

حریدہ عالیہ

مشیتِ جلیلہ اسلامیہ مکہ جریدہ رسمیہ سیدر

جمادی الاولیٰ ۱۲۳۳

عدد : ۱۶

آیدہ بر نشر النور

ایکمبجی سنہ

« اظه قلعہ جامع شریفک سربرل طرفندن تحریب ایدلمش اولسندن دولایی جامع شریف مذکور تحتندہ کی قلعہ دہ اہالی اسلامیکہ اجتماعیلہ صلاۃ جمعہ وعیدین ایضا ایدیلوب ایدیلہ بیجکنتہ دائر اظہ قلعہ قاضیلکندن وقوعبولان سئوال اوزرینہ فتواخانہ عالی جوابی » [۱]

بلد مذکورہ اہالیسنک اجتماع اراسیلہ جامع شریف مذکورک تحتندہ کی محل مذکورہ بیالضرورہ خطیب مومی الہ طرفندن صلاۃ جمعہ وعیدین اقامہ سی مقارن جواز شرع عالی ناولور .
۳ ربیع الاخر سنہ ۱۳۳۳



فتواخانہ عالی مک مقررات نقضیہ سی

« استنبول قاضیسی طرفندن اعطا قلنان ۶ جادی الاخر ۱۳۳۲ تاریخی اعلامک اسباب نقضیہ سی »

متولینک خیاتی حجج شرعیہ دن بریلہ ثابت اولمادیغہ وشخص آخرک تنظیم ایتمش ناولدینی راپور ثبوت خیانت ایچون حجج شرعیہ دن بولنمادیغہ ومتولی بولسان مدعی علیہک خیساتی تحقق ایدہ رک عزلی لازم کلدکده تولیت حقندہ شروط وفقیہ تدقیق ایدیلہ رک تولیت مذکورہ بالمشروطہ تصرف اولنور قیلندن ایسہ متولی معزولدن صکرہ توبت تولیت کیمک ایسہ برموجب شرط واقف تولیتک اکا توجیہی لازم کلورکن بو جہتک دخی اہمال ایدلمش ایدوکنہ ودرمختارک کتاب الوقفندہ « فان القاضی لایملک نصب لمتولی الا اذا کان ذکرا لتصرف فی الاوقاف منصوفاً علیہ فی منشورہ » دیومصرح وبوقیل دعاوینک فصل ورؤیتی محکمہ اوقافہ عائد بولندینی حالہ دعوائی مذکورہ نک محکمہ مذکورہ دہ فصل و رؤیت ایدلمسک وجہی اکلاشلمدیغہ مبنی حکم اعلام مختل بولنمشد .

[۱] قاضیلکک بوابدہ کی تحریراتی صورتی :

جنتشکان سلطان محمود وقفندن اولان اظہ قلعہ کبیر جامع شریفک سربرل طرفندن قصداً تعرضی تعدد ایدن غلوب آتشیلہ جامع شریف مذکورک سفیلہ قبلہ کاهی و منارہ سی تہلکلی صورتدہ خسارہ اوغرا دلدیغندن جامع کبیرک مؤذنلرہ مخصوص اولان اوطلمندہ اوقات خدمتہ جماعتلہ ایضا ایدلمکدہ اولوب بارانک عدم نزولندہ جامع کبیر دروندہ جماعت قلیلہ ایلہ جمعہ نمازی قیلنمقدہ ایدیلہ دہ دشمن دینی اسلام اولان ہر فرد واحدہ طوب انداخت ایتمیلہ تعرضی تشدد ایتدیگندن جامع شریفک تحتندہ اولوب صاحبسز اولدینی حالہ جزیرہ اوقاف متولیس طرفندن وقف اشیارینک محافظہ سی ایچون ضبط ایدیلان کارقدیم کمر قلعہ دہ جامع خطیبی حافظ عزت اقدینک صلاۃ جمعہ بی ایضا ایتدرستہ مساع شرعی اولوب اولدیغنک امر واشعاری معرشدہ امر و ارادہ حضرت ولی الامر کدر .

۲۲ صفر ۱۳۳۳ و ۲۷ کانون اول ۱۳۳۰

اظہ قلعہ قاضیسی

« يافه قاضی طرفندن اعطا قلنان ٢٧ رجب سنه ١٣٣٢ تاريخی اعلامه خلاصه واسباب نقضیه می »

مدعیه آسیه بوجه آتی دعوی ایدر: زوج مصطفی ایله عمم مدعی علیه نموره نك نزدنده مشاجره ایتدیکمه مومی ایله نموره کنديسه اون فرانسز لیراسی ویرلدکجه بنی زوجك خانه سه کوندرمیه جکني طلاق نكته ایله یمین ایتمکه بنده مبلغ مذ کوری کنديسه برای محافظه یمین ویرمش ایدم اعاده دن امتناع ایديور آلیویرلسنی طلب ایدرم .

مدعی علیه مرقوم کلیاً انکار ایدر . استماع ایدیلن ایکی شاهد دن بری محمد حمزه مبلغ مذ کوری مدعیه نك مدعی علیه دفع وتسليم ایتدیکنه ودیگر شاهد ابراهیم ایسه مدعیه نك مبلغ مذ کوری شاهد اول محمد حمزه و یروب اوده مدعی علیه اعطا وتسليم ایلدیکنه شهادت ایتملردر .

بوندن صکره مدعی علیه شاهد لر حقنه « هارجال طیون حجاج عدول وانی لم اقبط العشرات لیرات المذکوره » دیه بیاناتده بولندیغدن قاضی دخی « حیث ان الشاهدين المذکورین شهد الدینا ان هذا المدعی علیه اخذ من هذه المدعیه العشر لیرات فرانسوی المذکوره علی الوجه المذکور واعترف هذا المدعی علیه بعدالة هذين الشاهدين فيكون مقراً بالمدعی به کافي الماده من المجله ١٧١٦ الزمت »

اسباب نقضیه :

مدعی علیه شاهد لری تعدیل ایتمکه برابر مدعی بهی انکار ایتمش اولدیغنی ومجله نك ١٧١٦ نجی ماده سنده بونلر عادل آدملردر دیمکه برابر مدعی بهی انکار ایتسه حکم حکم ایتیموب شاهد لری سرأ وعلناً تزکیه ایتمی لازم کله جکی مصرح ایدوکنه چونکه شاهد لر عدل اولغله برابر کندیلرندن خطا ونسیانك وقوع وصدوری جائز اولغله شاهدك عادل اولسندر کلامنك صواب اولسی لازم کیله جکنه ومجله نك مذکور ماده سنده اقرار عد اولنان تعیر « بونلر شهادت لرنده عادلدرلر » سوزی اولوب اعلامده مصرح اولدیغنی اوزره مدعی علیهك تعدیلنده « شهادت لرنده » عباره سی موجود اولیوب ایکی عباره آره سنده کی فرق شرعی به دقت ایدلمدیکنه مبنی اعلام مذکور مردوددر .

وبرده شاهد اول مبلغ مدعی بهی مدعیه نك مدعی علیه بالذات تسليم ایتدیکنه شهادت ایتمش ایکن شاهد ثانی مدعیه مبلغ مدعی بهی شاهد اوله و یروب اوده مدعی علیه ویردیکنه شهادت ایتشدر . بوصورتده شاهد لك شهادت لری آره سنده اختلاف اولدیغنی کی ایکنجی شاهدك شهادتی دعوا به دخی مطابق دکلدر . واقعا حکم قاضی

بالاده بيان اولنديني اوزره اقراره مستد ايسهده اقرار مذ كورك موجب حكم اوله جق ماهيته بولنامسندن طولاي محاكمه جديدده شهادتك بوجهتي نظر اعتايه آلتق لازم كلير .

*
**

« دادالجواز قاضيى طرفندن اعطا قلنان ١٠ شوال ١٣٣٢ تاريخلى اعلامك اسباب تقضيه سى »

طلاق ومهر :

اولاً ، مدعى عليه مزبور محكمه يه دعوت اوله رق اجابت ايتديكى تقديرده غيباً محاكمه اجراسى مقتضى ايكن دعوتيه ورقه سى ارسال اولنمده دن محاكمه اجرا ايدلسى .

ثانياً ، طلاق بر نهج شرعى شهود معده ايله ثابت اولقسزين مجرد مدعى مزبوره نك افاده سنه مبنى طلاقه حكم اولنمى .

ثالثاً ، زوجه مزبوره ذات حيض ايسه نفقه مذ كوره انقضاء عدته دكين قيديه حكم اولنلق لابد اولدينى حالده اوچ آى اون كون ايله حكم اولنمى .

رابعاً ، نفقه عدت ١٠٠ كون ايچون يوميه التمشر پاره دن تقدير اولنديغه كوره مجموعى يوز اللى غروش اولق اقضا ايدر كن ١٣٥ غروش دينيله رك بسيط بر حسابده خطاء ايقاع ايدلسى .

خامساً ، مهر مؤجل مذ كورك اسباب ثبوتيه سى اذنامه اولق اوزره كوسترلمش ايسهده اذنامه ده مهر ك مقدارينه دائر اولان مشروحاتدن غائبك امضاسى وارمى وارايسه بوامضا نه ايله ثابتدر بوجهتلر كوسترلمكسزين حكمه مسارعت اولنمى .

سادساً ، قاضى تحقيقات خارجيه سنى اسباب ثبوتيه مياننده تعداد ايتمش ايسهده حجج شرعيه بينه ، اقرار ، يميندن نكول اولوب تحقيقات خارجيه نك - يالكز قاضينك سوزنده قالان بر تعبيرك - اسباب ثبوتيه وحكميه دن اولمديغك نظر دفته آلتماسى .

سابعاً ، قاضى اعلامنده غائبه تنبيه اولنديغى كوسترلمش ايسهده غائب اولان ومحكمه يه دعوت ايدلمين كمنه يه تنبيه ايدلك ممكن اوله ميه جغه كوره استعمال ايلديكى لفظ حكم دخى واقعه ونفس الامر مخالف بولنمى جهتلريه حكم اعلام مختل و سراپا مخالف شرع عالى بولنمشدر .

*
**

و قایمه و مرور زمان:

« بالیکسر قاضی طرفندن اعطا قلنان ٩ رجب ١٣٣٢ تاریخلی اعلامك اسباب نقضیه سی »

اعلام غیابی قاضینك حق قضای خارجده بولنان بر کیسه علیه اعطا اولمش و بوايه قاضینك حق حاکمیتی بولمادیغه منی غیر صحیح بولمشدر . کرچه محکوم علیها اعتراضاً قاضینك تحت ولایت کبرمش و بوعبار ایله قاضینك حق قضای تحققاتیمشه ده اعتراضاً جریان ایدن محاکمه ده مجدداً حکم اعطا ایدلیوب حکم سابق غیر صحیحك تنفیذیه قرار ویرلمی خلاف شرعدر مدعیك مستأجر علیه اقامه دعوی ایتمش بولمسی مرور زمانی قاطع بولمادیغی حالده قاضینك بوسیله مرور زمان بولمادیغه حکم ویرمی غیر صحیحدر .

مرور زمان متوفانك تاریخ وفاتندن باشلامیوب مدعی علیهك وضع ید ایله تصرف زمانندن اعتبار ایدلمسی لازم کلیرایکن بووادیده محاکمه اجرا ایدلماسی مخالف شرع عایددر .

*
* *

خیالت متولی :

« ائنه قاضی طرفندن اعطا قلنان ١٢ رجب سنه ١٣٣٢ تاریخلی اعلامك اسباب نقضیه سی »

متولی وقف عرصه اوزرینه نفسی ایچون ابنیه انشا ایتدیکنی اقرار ایتمشدر بومعامله حاکمدن یاخود حاکمك تعیین ایتمش اولدیغی متولیدن عرصه بی اجر مثل ایله استیجار ایتمدن واقع اولمش اولدیغی تقدیرده متولینك خیانتیه منی عزلی موجب اولور . بو حالده متولی مومی الیهك عزلیله شروط وقفیه و مسائل شرعیه یه توفیقاً دیگر متولینك نصب ایدلمسی لازم کلیرایکن بوجهت اہمال ایدلمش و خیالتی تحققاتیمکله واجب العزل اولان متولی مومی الیه اموال موقوفهك تسلیعنه حکم ایدلمشدر .

*
* *

« بغداد قاضی طرفندن اعطا قلنان ١٤ ربیع الآخر سنه ١٣٣١ تاریخلی اعلامك اسباب نقضیه سی »

اولاً ، متوفاه مزبورہ نك وصیت مذکورہ بی طایعة اقرار ایدلیکی اعلامده کوسترلماشدر .

ثانیاً ، صورت شہادت عیناً یازلماشدر . خلاصہ ده « وینبغی ان یکتب فی السجل لفظ الشہادة بتمامها... وکذا لایکتفی بقوله و شہدوا علی موافقة الدعوی و شمس الأئمة الحلوانی ردالمحاضر والسیجلات بهذا » دیه مصر حدر .

ثالثاً، تزکیه علیه محضر شهودده اجرا اولندیغنه تعرض ایدلامشدر حالبوکه شرعاً بوجهت لابددرد. « بان یجمع بین المزکی والشاهد الذی زکاه ویقول للمزکی هذا هو الذی زکیته، حموی.

رابعاً، فقره حکمیهده مبلغ مذکور اون ایکی لیرانک ترکدندن اخراجی قراری بعدالنبوت اولوق لازم کلوردی اولجه ثابت وحکم لاحق اونش ایسه بوجهتک اعلامه درجی لازم کلیر.

خامساً، مبلغ محکوم به ۶۰۱ غروش اون پاره اولوق لازم کلورکن مقدارنده سهو ایدلمشدر.

*
**

یکدیگره کفالت :

« دکرلی قاضیسی طرفندن اعطا قلنان ۲۶ جادی الاولی ۱۳۳۲ تاریخی اعلامک اسباب تقضیهسی »

مدعی ابتداء دعواسنده مبلغ مدعی به مذکور دی متوفای مزبور ایله یکدیگره کفیل بالمال اوله رق آلدققرینی افاده ایتمش یعنی متوفانک کندینه کفالت ایتدیکنی تصدیق ایتمش وکفالت بالمال انحق دیون صحیحدهده اوله جفی مجله نك ۶۳۱ نجی ماده سنده مصرح بولنمش وبوحالده بروجه محرر دین مذکورک دین مشترک اولدیغنی مدعی مرقوم اقرار ایتلشکن دین مذکورک کلیسی متوفانک بورجی بولندیغنه مبنی کندیسی بالاخره آکا کفیل اوله رق تأدیه ایتمله رجوعاً ترکدندن مطالبه ایتمکده اولدیغنه دائر درمیان ایلدیکی دعواسی افاده سابقه سنده وشهودک شهادتی دخی مدعینک اقرار مذکورینه منافی و بناء علیه حکم واقع غیر صحیح بولنمشدر.

تبلیغات عمومی

« محل اقامتلی بیلنه میانلره اعلاماتک صورت تبلیغنه دائر »

قسماً ویا کاملاً مواجهه طرفینده رؤیت و فصل اولنان دعاوی نتیجه سنده تنظیم اولنان اعلامک تبلیغندن مقدم غیوبت ایدوب محل اقامتلی مجهول قالان واقامتگاه اصلیرنده ساکن کسمه سی بولنمیان محکوم علیه لره تبلیغات ایفا ایدیله مامکده اولدیغنی بیانیله استفسار معامله بی حاوی خداوندکار ولایتی مرکز قاضیلکندن وارد اولان تحریرات